



Sakspapir

Sakshandsamar	Arkiv	ArkivsakID
Signe Råheim		19/190

Saksnr	Utval	Type	Dato
036/19	Formannskapet	PS	09.04.2019
015/19	Kommunestyret	PS	09.04.2019

Søknad om skjenkeløyve Jostein Husa

Vedlegg:

Uttale frå politiet

Skjenkebevilling (L)(71785)

Kunnskapsprøven i alkohol (L)(71852)

resultset_1881_174_vedlegg2.pdf

Uttale frå sosialtenesta

Saksutgreiing:

Bakgrunn

Jostein leiger Pernillekafeen i summar for å drive kafe der. I bygget der Pernillekafeen ligg har det vore dreve kafe i mange år. Denne turistsesongen ønskjer Jostein Husa å drive kafeen der. Han har difor søkt om skjenkeløyve, og har tidlegare i vår fått innvilga søknad om serveringsløyve for servering generelt. Det er søkt om skjenkeløyve som gjeld både innomhus og utomhus frå 12.04. til og med 04.08.2019. Skjenketidene er dei same som opningstidene. Måndag til og med torsdag og søndag er det søkt om frå kl.12.00 til kl.22.00. Fredag og laurdag er det søkt om frå kl.12.00 til kl.24.00. Det er søkt om alkoholgruppe I, II og III. Skjenketid for alkoholgruppe III er kl.13.00 – kl.24.00.

Viser elles til Rusplan – alkoholpolitiske retningslinjer for Fedje kommune K-sak 033/16 som avgrensar mogleg skjenketider.

Vurdering

Styrar har bestått kunnskapsprøven i alkohol. Søknaden har vore lagd fram for politiet og sosialtenesta til uttale. Uttalene og kunnskapsprøven i alkohol er lagd ved som vedlegg.

Krav til interkontrollsystem: Det følgjer av Alkohollova §§ 3-9 og 4-7 at kvar skjenkestad har eit sjølvstendig ansvar for at bevillinga vert utført i samsvar med alkoholloven sitt føremål og bestemmelser.

Ved vurdering av søknader, kan kommunen leggje vekt på tal skjenkestader, staden sin karakter, beliggenhet, målgruppe, trafikk og ordensmessige forhold. Det kan også leggjast vekt på næringspolitiske omsyn og til lokalmiljøet for øvrig.



Fedje kommune

Det har vore kafedrift i dette bygget i fleire perioder. Drift av denne kafeen vil vere eit av fleire tilbod til turistane som kjem til Fedje i turistsesongen. Viss det kjem like mange turistar til Fedje i år som i fjord treng ein fleire serveringsstader turistane kan vitja. Jostein Husa er kjent for å bruke lokale råvarar frå naturen. Dette er ei trend i tida og kan vere eit alternativ til dei andre serveringsstadane.

Kafeen ligg i eit område med bustader for fastbuande og feriehus. Dei nye skjenketidene er kortare enn dei gamle skjenketidene. Det er søkt om både inne- og uteservering. Serveringstidene for måndag – torsdag og søndag sluttar før kl.22.30. Ifølge ruspolitisk handlingsplan som kommunestyre vedtok i 2016 er kl.22.30 satt som sluttetidspunkt for uteservering av alkohol under 22%. Derfor vert det tilrådd at tida for uteservering vert sett til kl.22.30 på fredag og laurdag.

Det er ein del trafikk av bilar til og frå butikken som ligg på nedsida av vegen med parkeringsplass, og det er trafikk til og frå bustadhus. Kafedrifta kan føre til litt auke i trafikk.

Etter ei samla vurdering til relevante omsyn, vert det tilrådd å gje skjenkeløyve til Jostein Husa med dei skjenketidene det søkt om. Det vert tilrådd at uteserveringa av alkohol under 22% stoppar kl.22.30 på fredag og laurdag.

Folkehelse fleire skjenkestadar vil kunne føre til auka alkoholkonsum, men ein skjenkestad kan også vere ein sosial samlingsplass for folk. Det å ha stadar der folk kan møtast og trivast i lag er viktigare enn litt auke i alkoholkonsumet.

Miljø ikkje relevant.

Økonomi ikkje relevant.

Konklusjon

Det vert tilrådd å gje skjenkeløyve med følgjande tider:

For alkoholgruppe I og II måndag – torsdag kl.12.00 – 22.00, fredag og laurdag kl.12.00 – 24.00 og søndag kl.12.00 – 22.00.

For alkoholgrupp III inne vert måndag – torsdag og søndag kl.13.00 – kl.22.00, fredag og laurdag kl.13.00 – 24.00.

Skjenketida for alkohol under 22% utandørs vert set til kl.22.30 fredag og laurdag.

Forslag til vedtak:

Jostein Husa får skjenkeløyve i Pernillekafeen frå 12.04. – 04.08.2019 med skjenketid for all alkoholholdig drikk inne for gruppe I og II måndag – torsdag og søndag kl.12.00 – kl.22.00 og fredag – laurdag kl.12.00 til kl.24.00.

For alkoholgruppe III vert skjenketida inne måndag – torsdag og søndag kl.13.00 – kl.22.00 og fredag – laurdag kl.13.00 – kl.24.00.

Skjenketida for alkohol under 22% utandørs vert set til kl.22.30 fredag og laurdag.



Fedje kommune

Det er også ei krav om at sjenkestaden skal ha fast meny.

Løyvet gjeld frå 12.04.2019. Styrar for løyvet er Jostein Husa og avløyser er Marta Husa.

Formannskapet - 036/19

F - behandling:

Rådmannen delte ut notat med ekstra opplysningar i sak 034, 035 og 036. I notatet vart det lagt fram to alternative framlegg til vedtak frå rådmannen:

1. Jostein Husa får ikkje skjenkeløyve i Pernillekafeen, på grunn av alkohollova §4-1, første ledd ikkje kan ha to skjenkeløyve til same lokale med ulike løyvehavarar.

eller

2. Jostein Husa får skjenkeløyve i Pernillekafeen frå 12.04. – 04.08.2019 med skjenketid for all alkoholholdig drikk inne for gruppe I og II måndag – torsdag og søndag kl.12.00 – kl.22.00 og fredag – laurdag kl.12.00 til kl.24.00.

For alkoholgruppe III vert skjenketida inne måndag – torsdag og søndag kl.13.00 – kl.22.00 og fredag – laurdag kl.13.00 – kl.24.00.

Skjenketida for alkohol under 22% utandørs vert set til kl.22.30 fredag og laurdag. Det er også ei krav om at sjenkestaden skal ha fast meny.

Løyvet gjeld frå 12.04.2019. Styrar for løyvet er Jostein Husa og avløyser er Marta Husa.

Løyvet vert gjeve på vilkår av at Pernillekafeen DA sitt løyvesert levert inn og avslutta.

F - vedtak:

Jostein Husa får ikkje skjenkeløyve i Pernillekafeen, på grunn av alkohollova §4-1, første ledd ikkje kan ha to skjenkeløyve til same lokale med ulike løyvehavarar.

Samrøystes vedteke.

Kommunestyret - 015/19

K - behandling:

Rådmannen delte ut notat med ekstra opplysningar i sak 034, 035 og 036. I notatet vart det lagt fram to alternative framlegg til vedtak frå rådmannen:

1. Jostein Husa får ikkje skjenkeløyve i Pernillekafeen, på grunn av alkohollova §4-1, første ledd ikkje kan ha to skjenkeløyve til same lokale med ulike løyvehavarar.

eller

2. Jostein Husa får skjenkeløyve i Pernillekafeen frå 12.04. – 04.08.2019 med skjenketid for all alkoholholdig drikk inne for gruppe I og II måndag – torsdag og søndag kl.12.00 – kl.22.00 og fredag –



Fedje kommune

laurdag kl.12.00 til kl.24.00.

For alkoholgruppe III vert skjenketida inne måndag – torsdag og sundag kl.13.00 – kl.22.00 og fredag – laurdag kl.13.00 – kl.24.00.

Skjenketida for alkohol under 22% utandørs vert set til kl.22.30 fredag og laurdag. Det er også ei krav om at sjenkestaden skal ha fast meny.

Løyvet gjeld frå 12.04.2019. Styrar for løyvet er Jostein Husa og avløyser er Marta Husa.

Løyvet vert gjeve på vilkår av at Pernillekafeen DA sitt løyvesert levert inn og avslutta.

K - vedtak:

Jostein Husa får ikkje skjenkeløyve i Pernillekafeen, på grunn av alkohollova §4-1, første ledd ikkje kan ha to skjenkeløyve til same lokale med ulike løyvehavarar.

Samrøystes vedteke.